



პრეზიდენტი
ჰენრი ბ. აირინგის მიერ
პირველი პრეზიდენტობის
პირველი მრჩეველი

იგი აღსდგა

მოწმობა იესო ქრისტეს აღდგომის რეალობის შესახებ არის როგორც იმედის, ასევე გამბედაობის წყარო და ეს შეიძლება იყოს ასე ღვთის ყოველი შვილისთვის. ჩემთვის ეს მოხდა 1969 წლის ივნისში, როცა დედაჩემი გარდაიცვალა და მას შემდეგ ეს სულ ასე იყო და ასე იქნება, სანამ კვლავ არ ვიხილავ მას.

დროებითი დაცილების მწუხარება უმაღვე შეიცვალა ბედნიერებით. ეს უფრო მეტი იყო, ვიდრე ბედნიერი შეერთების იმედი. ვინაიდან უფალმა ამდენი რამ გაგვიმხილა თავისი წინასწარმეტყველებების საშუალებით და იმის გამო, რომ სულიწმინდამ დამიდრატურა აღდგომის ჭეშმარიტება, მე შემიძლია წარმოვიდგინო, თუ როგორი იქნება შეხვედრა ჩემს განწმენდილ და აღმდგარ საყვარელ ადამიანებთან:

„ესენი არიან, ვინც აღსდგებიან მართალთა აღდგომისას. . . .“

„ესენი არიან, ვისი სახელებიც დაწერილია ზეცაში, სადაც ღმერთი და ქრისტე არიან ყოველთა მსაჯულნი.“

„ესენი არიან მართალი ადამიანები, რომლებმაც მიიღწიეს სრულყოფილებას ქრისტეს მეშვეობით - ახალი აღთქმის შუამავალის, რომელმაც აღასრულა ეს სრულყოფილი გამოსყიდვა თავისი სისხლის დაღვრით“ (მოძღვრება და აღთქმები 76:65, 68-69).

რადგან იესო ქრისტემ გაწყვიტა სიკვდილის კვანძი, ამ ჭკეუნად დაბადებული მამა ზეცირის ყოველი შვილი აღდგება უკვდავი სხეულით. ამ დიდებული ჭეშმარიტების შესახებ ჩემსა და თქვენს მოწმობას შეუძლია მოგვაშოროს საყვარელი ოჯახის წევრისა ან მეგობრის დაკარგვის ტკივილი და ჩაანაცვლოს იგი მხიარული მოლოდინითა და ურყევი გამბედაობით.

უფალმა ყველას გვიბოძა აღდგომის ძღვენი, რომლის წყალობითაც ჩვენი სულები მოთავსებულია ფიზიკურად უნაკლო სხეულებში (იხ. ალმა 11:42-44). დედაჩემი შემეგებება ახალგაზრდა და გაბრწყინებული, ასაკისა და ფიზიკურ ტანჯვისგან თავისუფალი. ისიც და ჩვენც ამას საჩუქრად მივიღებთ.

მაგრამ მათ, ვისაც სურთ მარად იყვნენ მასთან, უნდა გააკეთონ არჩევანი - იყვნენ ღირსნი ამ შეერთებისა, რათა იცხოვრონ იქ, სადაც მამა ზეციერი და მისი საყვარელი აღმდგარი ძე იმყოფებიან დიდებაში. ეს არის ერთადერთი ადგილი, სადაც ოჯახური ცხოვრება შეიძლება გრძელდებოდეს მარადის. ამ ჭეშმარიტების შესახებ მოწმობამ გააძლიერა ჩემი გადაწყვეტილება - ჩვენს ცხოვრებაში, ჩემს საყვარელ ადამიანებთან ერთად, ვიყოთ ცელესტიალური სასუფეველის ღირსნი იესო ქრისტეს გამოსყიდვის წყალობით. (იხ. მოძღვრება და აღთქმები 76:70).

უფალი, ზიარების ლოცვის საშუალებით, გვთავაზობს გზამკვლევს მარადიული ცხოვრების ძიებისთვის, რომელიც მე მეხმარება და თქვენც დაგეხმარებათ. ყოველი ზიარების დროს ჩვენ გვიწვევენ განვაახლოთ ნათლობის აღთქმა.

ჩვენ ვპირდებით, რომ ყოველთვის გვეხსომება მხსნელი. მისი მსხვერპლის სიმბოლოები გვეხმარება იმაში, რომ დავაფასოთ ის, თუ რა ფასად დაუჯდა მას სიკვდილის კვანძის გაწყვეტა, ჩვენთვის წყალობის შემოთავაზება და ჩვენი ყოველი ცოდვის მიტევება, თუკი ჩვენ ავირჩევდით მონანიებას.

ჩვენ ვპირდებით, რომ დავიცავთ მის მცნებებს. წმინდა წერილისა და ცოცხალი წინასწარმეტყველების სიტყვების კითხვა, შთაგონებით მომზადებული გამოსვლების მოსმენა ზიარების შეკრებებზე, ყველაფერი ეს გვახსენებს ჩვენს აღთქმას მცნებების დაცვის შესახებ. სული წმინდა გვახსენებს გულში და გონებაში იმ მცნებებს, რომლების დაცვაც ყველაზე მეტად გვპირდება იმ დღეს.

ზიარების ლოცვებში ღმერთი გვპირდება, რომ სული წმინდა იქნება ჩვენთან (იხ. მორონი 4:3; 5:2; მოძღვრება და აღთქმები 20:77, 79). მე იმ მომენტში შევნიშნე, რომ ღმერთი მომმართავს ისე, როგორც პირადი გასაუბრებისას. იგი ყურადღებას ამახვილებს იმაზე, რაც მისთვის მოსაწონია ჩემს საქციელში; რაც საჭიროებს ჩემგან მონანიებასა და მიტევებას და იმ ადამიანთა სახეებსა და სახელებს, რომელთაც, მისი სურვილია, ვემსახურო.

წლების განმავლობაში ეს გამოცდილება მეორედებოდა და მან იმედი მოწყალეების გრძობაში გადაიყვანა. მან დამარწმუნა იმაში, რომ მოწყალეობა ჩემთვის ხელმისაწვდომი გახდა მხსნელის გამოსყიდვისა და აღდგომის მეშვეობით.

მე ვმოწმობ, რომ იესო არის აღმდგარი ქრისტე, ჩვენი მხსნელი და სრულყოფილი მაგალითი, ჩვენი მარადიული ცხოვრებისკენ მიმავალი გზამკვლევი.

ამ მოწოდების სწავლება

ჩვენ ყოველი წმინდა წერილი უნდა მოვარგოთ საკუთარ თავს, რათა ის გახდეს ჩვენთვის სასარგებლო და სასწავლი (იხ. 1 ნეფი 19:23). წაიკითხეთ ზიარების ლოცვები მოძღვრება და აღთქმებიდან 20:76–79. პრეზიდენტი აირინგის ზიარების თაობაზე სწავლებების წაკითხვის შემდეგ, თქვენ შეიძლება გაგიჩნდეთ სურვილი სთხოვოთ თქვენს მოწაფეებს დაფიქრდნენ იმაზე, თუ როგორ შეუძლია ამ ლოცვებს გახდეს მათი ცხოვრების გზამკვლევი და დაეხმაროს მათ დაბრუნდნენ საცხოვრებლად იქ, სადაც მამზეციერი და იესო ქრისტე იმყოფებიან.

ახალგაზრდები

თქვენი პირადი გასაუბრება ღმერთთან

პრეზიდენტი აირინგი გვასწავლის, რომ ზიარების ლოცვის მოსმენისას ჩვენ გვიჩნდება იმის შეგრძნება, რომ ღმერთთან პირად გასაუბრებაზე ვიმყოფებით. პრეზიდენტი აირინგი მოიხსენიებს შემდეგ სამ რამეს: ჩაიწერეთ ეს კითხვები დღიურში და იფიქრეთ თითოეულ მათგანზე ამ თვის ყოველ კვირადღეს. დღიურში ასევე ჩაიწერეთ თქვენი აზრები და სული წმინდისგან მიღებული შთაბეჭდილებები.

- რა გავაკეთე ისეთი, რაც მოიწონა ღმერთმა?
- რა უნდა მოვინანიო ან რისთვის ვითხოვო პატიება?
- ვის ვემსახურო ღმერთის სურვილისამებრ?



რწმენა • ოჯახი • მოწყალეობა

სატადრო აღთქმები

ლოცვისეული განწყობით შეისწავლეთ ეს მასალა და შესაფერ დროს იმსჯე-
ლეთ მასზე თქვენს დებთან, მათთან სტუმრობისას. გამოიყენეთ მოცემული
კითხვები, რათა განამტკიცოთ თქვენი დები და გადააქციოთ მოწყალეობის
საზოგადოება თქვენი საკუთარი ცხოვრების აქტიურ ნაწილად. დამატებითი
ინფორმაციისთვის იხილეთ ვებგვერდი reliefsociety.lds.org.

“**ტ**ადარში მიღებული ხსნის წეს-ჩვეულებანი გვაძლევენ იმის საშუალებას, რომ როდესაც დავუბრუნდეთ მამაზეციერს, ვიქონიოთ მარადიული ოჯახური ურთიერთობანი, ვიყოთ ზეციდან შემოსილნი ლოცვა-კურთხევითა და ძალით და ეს ყველაფერი ღირს ყოველ მსხვერპლად და ძალისხმევად,“¹ ბრძანა პრეზიდენტი თომას ს. მონსონმა. თუ თქვენ არ ყოფილხართ ტადარში, შეგიძლიათ შემდეგნაირად მოემზადოთ სატადრო წეს-ჩვეულებებისთვის:

- იწამოთ მამაზეციერი, იესო ქრისტე და სულიწმინდა.
- განავითაროთ მოწმობა იესო ქრისტეს გამოსყიდვასა და აღდგენილ სახარებაზე.
- მხარი დაუჭიროთ და მიყვებით ცოცხალ წინასწარმეტყველს.
- იყო სატადრო რეკომენდაციის ღირსი მეათედის გადახდით, მორალური სისუფთავით, პატიოსნებით, სიბრძნის სიტყვით და ეკლესიის სწავლებებთან ჰარმონიაში ცხოვრებით.
- დროის, ნიჭის და სხვა საშუალებების გაღებით ეხმარებოდეთ უფლის სასუფევლის შენებაში.

- საოჯახო ისტორიის სა-მუშაოში მონაწილეობის მიღება.²
- პრეზიდენტი მონსონი შემდგომ გვასწავლიდა: „როცა ტადარში დადებული აღთქმები გვახსოვს, ჩვენ უფრო კარგად გავუმკლავდებით ყოველ განსაცდელსა და ცდუნებას.“³

წმინდა წერილებიდან

მიძღვრება და აღთქმები 14:7; 25:13; 109:22

ჩვენი ისტორიიდან

„5.000 წმინდანზე მეტი შეიკრიბა ნავუს ტადარში მისი მიძღვნის ცერემონიის შემდეგ. . . .“

„სატადრო წეს-ჩვეულებების ძალა, სიმაგრე და ლოცვა-კურთხევა ეხმარებოდა უკანასკნელი დღეების წმინდანებს მათი დასავლეთისკენ მოგზაურობის დროს, როცა მათ უწევდათ სიცივის, სიციხის, შიმშილის, სიღარიბის, ავადმყოფების, უბედური შემთხვევებისა და სიკვდილის ატანა.“⁴

ისე, როგორც მოწყალეობის საზოგადოების მრავალი და, სარა რიჩიც მსახურობდა ტადარში. იგი ასე მოიხსენიებს თავის გამოცდილებას: „რომ არა ჩემი

რწმენა და ცოდნა, რომელიც გადმოგვეცემოდა იმ ტადარში . . . უფლის სულის საშუალებით, ჩვენი მოგზაურობა დაემსგავსებოდა სიბნელეში ნახტომს. . . . მაგრამ ჩვენ მამაზეციერის რწმენა გვქონდა, . . . გგონობდით იმას, რომ მისი რჩეული ხალხი ვიყავით . . . და მწუხარების ნაცვლად ჩვენ გვიხაროდა ის, რომ ჩვენი გამოხსნის დღე დადგა.“⁵

უკანასკნელი დღეების წმინდანთა ქალებისთვის ახალ ადგილზე გადასვლა არ ყოფილა „სიბნელეში ნახტომი“. მათ თავიანთი სატადრო აღთქმები აძლევდა ძალას.

შენიშვნები

1. თომას ს. მონსონი “The Holy Temple—a Beacon to the World,” *Liahona*, მაისი 2011, 92.
2. იხილეთ *Daughters in My Kingdom: The History and Work of Relief Society* (2011), 21.
3. თომას ს. მონსონი, *Liahona*, მაისი 2011, 93.
4. *Daughters in My Kingdom*, 29–30.
5. სარა რიჩი, *Daughters in My Kingdom*, 30.

რა შემიძლია გავაკეთო?

1. რეგულარულად თაყვანს ვცემ ღმერთს ტადარში?
2. ვაგულიანებ დებს, მიიღონ სატადრო ლოცვა-კურთხევა?

© 2013 Intellectual Reserve, Inc. ყველა უფლება დაცულია. დაბეჭდილია გერმანიაში. ინგლისურად დამტკიცებულია: 6/12. თარგმანი დამტკიცებულია: 6/12. თარგმანი *Visiting Teaching Message*, April 2012. Georgian. 10664 131